


თბილისის არქიტექტურა

თბილისის მერიის საპროექტო სამსახურის იურიდიული სამსახური



კონკურსის მეშვეობით საპროექტო მომსახურების შესყიდვის განცხადება

წინამდებარე საკონკურსო განცხადება შედგენილია “სახელმწიფო შესყიდვების შესახებ” საქართველოს კანონისა და “კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების საფუძველზე

სარჩევი :

- საკონკურსო განცხადება;
- სამსახურის უფროსის ბრძანება (დანართი №1)
- საპროექტო ტერიტორიის ტოპოგრაფიული გეგმა;
- საპროექტო ტერიტორიის ტოპოგრაფიული გეგმა საპროექტო არეალის საზღვრებისა და რეკომენდაციების მითითებით;
- საპროექტო ტერიტორიის ფოტოები;
- საპროექტო ტერიტორიის საზღვრის და რეგისტრირებული მიწის ნაკვეთების ვექტორული shp ფაილები

საკონკურსო განცხადება

1. ქ. თბილისის მუნიციპალიტეტის მერიის სსიპ – თბილისის არქიტექტურის სამსახური აცხადებს კონკურსს (შემდგომში – შემსყიდველი ორგანიზაცია) საპროექტო მომსახურების სახელმწიფო შესყიდვაზე და იწვევს კონკურსში მონაწილეობის მისაღებად ყველა დაინტერესებულ პირს.
2. კონკურსის მიზანია ქ. თბილისში, სახელმწიფო კანცელარიის შენობის მიმდებარე ტერიტორიის კეთილმოწყობის ესკიზური პროექტის შესყიდვა;
3. საპროექტო ტერიტორიის კეთილმოწყობის ესკიზური პროექტის შედგენისას გათვალისწინებული უნდა იქნას:
 - ა) სახელმწიფო კანცელარიის წინ მდებარე ქვედა მოედანზე არსებული შადრევნის ადგილას ახალი შადრევნის მოწყობა (იხილეთ საპროექტო ტერიტორიის ტოპოგრაფიული გადაღება შესაბამისი მონიშვნით №1 დანართის სახით) ;
 - ბ) სახელმწიფო კანცელარიის წინ მდებარე ქვედა მოედანზე პარკირების მოწყობა მინიმუმ 5 ავტომობილზე (იხილეთ საპროექტო ტერიტორიის ტოპოგრაფიული გადაღება შესაბამისი მონიშვნით №1 დანართის სახით);
 - გ) დეკორატიული კედლის მოწყობა სულხან საბას ქ. №9-ში მდებარე შენობის მიმდებარედ (იხილეთ საპროექტო ტერიტორიის ტოპოგრაფიული გადაღება შესაბამისი მონიშვნით №1 დანართის სახით);
 - დ) სახელმწიფო კანცელარიის წინ მდებარე ზედა მოედანზე (სპორტული მოედნის გადახურვა) გამწვანებული სკვერის მოწყობა;
 - ე) საპროექტო ტერიტორიაზე ავტომობილების მოძრაობის არსებული ცირკულაციის შენარჩუნება;
4. კონკურსში მონაწილე პირს შეუძლია ქ. თბილისის მერიის სსიპ - ქალაქ თბილისის არქიტექტურის სამსახურის ვებ-გვერდზე – www.tas.ge- ზე განთავსებული საკონკურსო მასალებიდან მიიღოს საჭირო ინფორმაცია;
5. აღნიშნული საკონკურსო მასალები ასევე წარმოდგენილი იქნება საკონკურსო განცხადებაზე თანდართული დოკუმენტების სახით;
6. გამარჯვებული საკონკურსო პროექტის შესყიდვის ღირებულება შეადგენს 5000 (ხუთი ათასი) ლარს დღგ-ს ჩათვლით, რომლის გადახდაც განხორციელდება სამსახურის არასაბიუჯეტო სახსრებიდან;
7. საკონკურსო წინადადების წარდგენისთვის პირი იხდის საფასურს 50 (ორმოცდაათი) ლარის ოდენობით. საფასური გადაიხდება სახელმწიფო შესყიდვების სააგენტოს ანგარიშზე, რომელიც მითითებულია სახელმწიფო შესყიდვების ოფიციალურ ვებ-გვერდზე www.procurement.gov.ge;
8. საფასურის გადახდის დამადასტურებელ დოკუმენტში მითითებული უნდა იყოს:

- გადახდის დამადასტურებელი დოკუმენტის უნიკალური ნომერი და გადახდის თარიღი;
 - შემსყიდველი ორგანიზაციის დასახელება და საიდენტიფიკაციო კოდი;
 - კონკურსანტის დასახელება და საიდენტიფიკაციო კოდი;
 - საკონკურსო განცხადების სააგენტოს ვებ-გვერდზე გამოქვეყნების შედეგად განცხადებისთვის მინიჭებული უნიკალური ნომერი;
9. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს, არ განიხილება. ამასთან, მე-8 პუნქტის დარღვევით წარმოდგენილი საფასურის გადახდის დამადასტურებელი დოკუმენტის შემთხვევაში, პირის საკონკურსო წინადადება ექვემდებარება დისკვალიფიკაციას;
 10. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე;
 11. საკონკურსო წინადადება და ყველა სხვა დოკუმენტი ან/და ინფორმაცია წარმოდგენილი უნდა იყოს ქართულ ენაზე, შესაბამისი უფლებამოსილი პირის ხელმოწერით;
 12. საკონკურსო წინადადებების მიღება იწყება საკონკურსო განცხადების სააგენტოს ოფიციალურ ვებ-გვერდზე გამოქვეყნებიდან და გრძელდება ერთი თვე. კონკურსში მონაწილე პირებმა საკონკურსო წინადადება უნდა წარმოადგინოს სახელმწიფო შესყიდვების ოფიციალურ ვებ-გვერდზე www.procurement.gov.ge ან/და ქ. თბილისის მუნიციპალიტეტის მერიის სსიპ – თბილისის არქიტექტურის სამსახურის ვებ-გვერდზე www.tas.ge;
 13. დაგვიანებით წარმოდგენილი საკონკურსო წინადადება არ განიხილება;
 14. ანგარიშსწორება განხორციელდება უნაღდო ანგარიშსწორებით ეროვნულ ვალუტაში საკონკურსო განცხადებისა და საკონკურსო დოკუმენტაციით გათვალისწინებული მომსახურების სრულად გაწევის შემდეგ, მიღება-ჩაბარების აქტისა ან/და ანგარიშ-ფაქტურის საფუძველზე;
 15. საკონკურსო წინადადება უნდა მოიცავდეს შემდეგ გრაფიკულ და ტექსტურ მასალას:
 - განმარტებითი ბარათი;
 - საპროექტო გენ-გეგმა 1:500 მასშტაბით (ესკიზურ დონეზე);
 - საპროექტო ტერიტორიის ვიზუალიზაცია მინიმუმ 4 ხელით (რენდერის სახით ან ხელით შესრულებული);
 - საპროექტო ტერიტორიის ფოტომონტაჟი მინიმუმ 2 ხელით;
 - შესრულებული ესკიზის საპროექტო ღირებულების საორიენტაციო ხარჯთაღრიცხვა;
 16. საკონკურსო წინადადების შეფასება და გამარჯვებული კონკურსანტის გამოვლენა მოხდება საკონკურსო წინადადებების მიღების დასრულებიდან შვიდი სამუშაო დღის ვადაში;
 17. საკონკურსო წინადადებებს განიხილავს და გამარჯვებულს გამოავლენს საკონკურსო კომისია, რომელიც გადაწყვეტილებას იღებს ხმათა უმრავლესობით. ხმების თანაბრად გაყოფის შემთხვევაში გადამწყვეტია

თავმჯდომარის ხმა. კომისიის თავმჯდომარის არყოფნის შემთხვევაში მის მოვალეობას ასრულებს კომისიის ერთ-ერთი წევრი თავმჯდომარის დავალებით; კომისიის გადაწყვეტილება ფორმდება ოქმის სახით, რომელსაც ხელს აწერს კომისიის ყველა წევრი და მდივანი;

18. გამარჯვებულ კონკურსანტთან ხელშეკრულების გაფორმება მოხდება საბოლოო შედეგების გამოქვეყნებიდან 5 სამუშაო დღის ვადაში;
19. საჭიროების შემთხვევაში შემსყიდველი იტოვებს უფლებას შეიტანოს ცვლილებები საბოლოო დოკუმენტში;
20. კონკურსში გამარჯვებული ესკიზური პროექტის ავტორი, ქ. თბილისის თვითმმართველ ერთეულს გადასცემს "საავტორო და მომიჯნავე უფლებების შესახებ" საქართველოს კანონის მე-18 მუხლით გათვალისწინებულ ქონებრივ უფლებებს;
21. "საავტორო და მომიჯნავე უფლებების შესახებ" საქართველოს კანონის მე-17 მუხლის პირველი პუნქტის "დ" ქვეპუნქტის შესაბამისად კონკურსში გამარჯვებული ესკიზური პროექტის ქ. თბილისის თვითმმართველ ერთეულს ნებას რთავს შეიტანოს ცვლილებები გამარჯვებულ ნაწარმოებში;
22. საკონკურსო კომისია უფლებამოსილია არ განიხილოს საკონკურსო პირობების დარღვევით წარმოდგენილი წინადადება.
23. საკონკურსო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე. შემსყიდველი ორგანიზაცია ვალდებული არ არის კონკურსანტს აუნაზღაუროს კონკურსში მონაწილეობასთან დაკავშირებული ხარჯები;

სამსახურის უფროსის დროებით

მოვალეობის შემსრულებელი



ნინო დოლბერიძე